




1242



鶴山先生大全文集

三



Centimetres

TIFFEN® Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color

Black

Inches

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25



26

27

28

重校鶴山先生大全文集七

律詩



寒光臨來
和文
賤身向前坡
田間逢醉人
毋謂文山險
知李與文
鳳翔
珠移
宜見
路駐

重校鶴山先生大全文集七

律詩


次程少逸餞楊叔禹汝明教授

載酒時從執戟郎，雅知清望稱鴛行。
肯來芹泮提英莢，要取芳編闕舊香。
玉倚兼葭方借潤，珠移璧柱陡寒光。
臨來莫恨車無角，疑睇雲霄紫鳳翔。

和史少莊登山韻二首

賸喜向前坡，人情奈怯何。
君令高着步，直與陟嶒峨。
田間逢醉尉，人道誤誰何。
世路日杲杲，冥行宜見呵。
毋謂支山險，此山能幾何。
崎嶇十年夢，知歷幾蹉跎。

和李參政壁龍鶴菴廬二首



落紙新詩萬口傳，逍遙舊夢記坡僊。明虹短雨下平
楚，老鴈長雲橫半天。澗底青松不改色，檻前流水護
安壑。寄聲多謝無名字，莫攪詩翁秀鬢眠。

古往今來一貉丘，行藏有道坎還流。鳳池上春風
夢，龍鶴山頭夜月秋。閒曳深衣聊獨樂，有懷連璧賦
三游。何人得與余心會，野水黏天一片鷗。

和李校書

真沐川三絕

靜看青山簇髻鬢，動觀碧水漱潺湲。若教此景來
鄮，爭奪應成觸與蠻。

花時乘傳奈邊心，撩弄新詩逼少陵。詩到湖邊春未
老，不禁春思也微吟。

玉節行邊春正濃，邊頭壯士斂旗紅。何當平賊攜諸
吏，徑上高寒翦翦風。

次韻外舅楊崇慶

熹以詩相招三首

炎威翕翕正塵人，惟有西風不世情。困卧小窗倦賓
客，吹將好語到巖扃。

去年湖上看花時，拍檻呼魚酌酒卮。魚計主人已非
昔，猶驚故處上鉤遲。

寄語荷郎且緩開，山中衣製要君裁。不隨襪襪觸熱
去，待學山陰乘興來。

李參政

見招遊龍鶴山歸途有作

上有高峯樹倚天，下臨深澗水生煙。陶鎔泉石山中

相舒卷雲霞地上僊松色呼兒開後檻筍輿爲客過
前川不因同落天涯久那得巖扉共此緣
亂澗穿雲十里間好風吹袂出重山潺潺流水半歸
壑唧唧候蟲皆閉關興念歲時驚變態靜觀物化識
回環並溪的礫梅花樹已帶明年春事還

和范少才子長詠雪三首

底處呼滕六催將歲事闌
窻明朝采爛枝瘦夜光蟠
炫晃山林老模糊天地寬
曉琴絃欲折難忍溧陽酸
隨踏曉巖去殿頭金井闌
路門圭壁委雙關絳青蟠
拜手朝紳讀憂心肝食寬
歲粟今有望寧復厭蔬酸
寒陰彫草木枯葉委庭闌
蒼蒼聳孤松秀青敷萬竹蟠

封條纔貼妥見眼復歌寬
但使根長在毋憂風哭酸

恭和 聞喜宴賜毛自知以下 御製

昭代賓賢禮意誠
鑄京設幣藹儒纓
龍飛十二周星

紀鵬運三千擊水程
一作外歌物瘦三章雅
送上海鵬六月程
雲漢感章新

寵濫鈞天張樂播
和平微巨置饋申規戒
賢網雖恢用欲精

和張大著顛字韻二首

步弱扛豐分疾顛
不將臭腐易芳鮮
眼前富貴蟻奔
埽膜外功名鷗
避船忠憤無因塵
乙夜隱憂深覺負
丁年一窻風雨看
書卷三度京梅雪
可憐

偃偃趨局曉衣顛
妙語飛來墨已鮮
太一蒸然分夜

隙蓬萊海闊接風船臨叩詞客雖未至淮海笈書非
少年獨抱區區無我察聯篇重拜玉人憐

張大者以韓持國綠樽紅妓事再和見戲復

次韻

世路羊腸幾覆顛如君操行李朝鮮書骨滿貯宣和
庫學力要裴元祐船賸喜龍來並世肯呼禰鸚與
忘年閉門筭珥無膏沐不作傾城馮小憐共濟馮淑妃名小憐後王

感之以致城陷

壯心十五亦狂顛十五年來洗濯鮮負郭元無二畝
宅浮家安有五湖船焚香讀易謝來况飲綠園紅面
長年綠樽紅妓詩乃韓持國在穎昌時年六十九矣不是柳桃曾作惱安知世味有

妍憐

再和顛字韻時方議開邊

鼎象身調戒在顛以捐常饌美時鮮鷲形不匿麇投
麓劍影虛張蛟繞船壯觀要遠全盛日圖回須似中
興年捲關雷驚鷲春夢憂國丹心只自憐

和胡秘書有開學中釋奠

祠官環燧殿晰燎嚮晨光工有歌咸夏人無問國庠
古樂府祀先聖先師歌咸夏又舒元興有問國庠記豆邊陳吉饗嚴管奏和鏘盛事
留篇什賡酬愧不揚

題玄天將追遠亭

朱棗離離實已稀白雲閒傍隴頭飛音思郎罷那

得見父曰子行胡不歸樹靜風號終莫待桂芳椿老
苦相違舍南舍北尋遺響暮草寒煙夕照晞
寶劍初期多擊鮮嗟嗟何及淚闌干美官孰與承顏
樂豐祀何如噫叔權已矣親容生死闊要知好道始
終難共惟出自期無忝留作松楸久遠看

次韻曹同叔解朝

乞得身來作外臣冲然肺腑自韶鈞鹹酸獨覺水中
味形影相依鏡裏真入戶方聞夫子樂近前孰試相
君嗔昊天明日司游行環堵嚴於百萬人

低頭涸轍問波臣沃以嘉言力萬鈞逆耳倒言誠愛
助解朝謝謗返離真若微君告誰能及幸不吾欺乃

敢嗔彼是紛紛姑勿道所期終誨作全人

次韻 丞兄聞丁卯十一月三日朝報

龍章晨下九重闕帝敕元兇出羽山揭日行空破昏
闇來風縱燎絕神姦頃看文正昭陵日孰與忠宣元
祐間更願和平培治體儒且千歲侍天顏

儻來得本無關或爲鴻毛加太山縱昔尹廳寧有
損及今投裔枉爲莛公私界分分明甚狂聖途程忘
慮間初學粗知真童實從今克復願瞻顏

次韻盧永康 題滄江書院

解后滄江半日閒一川風物屬柴關正從浙處識流
水更向靜時觀遠山有詠皆春誰與點無時不學子

晞顏相逢一笑忘言幾月墮波心不記還

次韻虞永康讀易有作

室中萬象本寬閒門戶何曾頃刻關未始有時觀太極不終止題認兼山人文自昔先犧皇天賦去誰不孔顏有志未能令得友從今迷路儘知還

再次滄江韻二首

夏畦初雨桔槔閒讀易幽人晝掩關厚築榭基方考室不辭卷撮要爲山賸栽晚歲松筠友長伴滄江冰雪顏門外斜陽迷客路屋中行李去家還

野迥江空雲意閒清風吹客度東關樛樛竹柏青垂地烟烟賓朋玉立山酒爲心知一開口話逢理到兩

舒顏歡吟風月江頭路此意義皇向上還

次韻范少才

子長

在峽中寄李季允

壘二首

蜀艇雲奔下固陵一壺浮峽便千金子來我往才交臂人涉印須又苦心北向雖無一矢發西風不受半塵侵是非得喪今休問喜見戈槍卧綠沈

大明臨照職方州漢沔江淮澹若油剪薙荆榛開蹕路護持杞梓算火樓朝綱人爲諸公喜國體誰知志士愁謹議胡公不可作奉常令說有黃侯

次韻虞永康

剛簡

謝余過滄江

兩餘雲髮數峯奇公子江頭客款扉白舫青簾亂平渺黃雞濁酒話清微

謝玄暉詩雲沐仰清微注云仰清美之道

稻畦千頃翠

生色竹日一川搖靜暉坐久東山初月上恍疑赤壁
舊時磯

和虞永康梅花十絕句

蓬蒿已逐曉霜眠玉立孤標漢綺園月澹風輕雲欲
壓精神千古對羲軒

不隨妖豔競花期葉落惟存老樹枝林下水邊時一
見相逢頗恨幾年遲

天然標韻簪高寒覲面松筠取友端直截語人人不
解等閒只作好花看

遠山雲抹半橫簪野色昏明水淺深庭外沉沉人不
到凜然玉雪對疎林

輕寒玉蕊試新妝已識微酸一點黃生意落落無間
斷何須聞笛爲沾裳

重陰浩瀚渺無濱草木摧殘見本真誰識江南一枝
信明年春事正催人

滄江卜室數年間春葉栽培僅息有生色油然已如
此箇中自有不須禪

樹花禽語恰逢時真意相關兩絕奇獨坐黃昏先得
月呼僮點筆和梅詩

幽光冷豔照前坡花下期君不啻過木落江空歲年
晚此詩朋友望西河

世間無物可談空開落榮枯實理同百樹好花一編

易主人立處儼當中

安大使丙生日

恭惟天祐宋奕葉際明良積德由文武生賢邁漢唐
聖稽資殿老降自崑山陽松極申函粹東維溥啓祥
堂堂三代直赫赫萬夫望清廟圭璋壁明堂楓栢樟
詔成來鳳翥雲滃際龍驤誰詿元黃能爭馳赤白囊
攬槍星有耀暉暉日無光白晝鳴梟獍長衢縱虎狼
公卿失上筋惟嗥自金湯昔在齊劉豫前蹄石故塘
父爲虜目妾深入漢封疆誰似機籌妙曾無矢鏃傷
邊城長男女農畝遂耕桑惠澤孚禽獸威稜憚犬羊
報勲隆爵秩紀績滿旂常事業侔伊呂功名陋霍張

巖巖千仞壁納納百川航經國般營室憂民旅念鄉
直方坤立德中正泰包荒天錫公難老神扶福孔穰
冲襟疑日谷温語瀉天潢壽域周二蜀春棋徧一方
蓬壺擎負顛鼻蠶玉扣鴛鴦御府頒殊玩袞綸十行
繡鞍翻昱爍昔畫懸立煥煌萬古功名樣千年節義香
九重新政理二枋軌維綱當寧疇耆碩非公莫便章
白麻颺殿陞金袞赴文昌會敷乾坤了長令海縣康
作經七六藝致主四三王自顧蓬蒿質敢希桃李場
熊占祥入夢駟頌壽如罔畫地數勳烈指心成激昂
莫馳千里足親對九霞觴天漢江山美中書日月長
願言崇令德永作世津梁

次韻李參政壁見謝遊龍鶴山詩二首

北山嘗乞草堂靈
娓娓高談折理精
潑眼溪光無間斷
入懷月色太鮮明
寒毛絃石清可數
暝靄蒸山濃
欲傾相對悠然無
語麴古今成敗一空枰
有鳥雲飛魚躍淵
聖賢見處自天懸
流陰平巫謬空
過斯道處處誰
適傳人境恰逢如
擇地主賓良晤豈
非天二章發我無
第思不嫌遺編對
聖賢

次韻盧永康十月海棠二首

冷淡庭梅儼玉顏
孤高翠竹簷脩髮
如何富貴具天然
質猶欲尋盟三友間

春意何曾問四時
芸芸靜處錦成帷
非關造化呈新

巧釣播無心自不知

李德秀致政以其生日前一日約士友至長

慶院訪梅花山茶因以為壽十二月四日

流年苦被雪霜催
惟有山中自四時
寒色愁花妝歲晚
曉陰挾霧放春遲
似嫌俗客不同調
留與高人共勝期
但願多書冲佑考
與君長伴歲寒枝

是日余聞亦祐之報

李德秀致政即席賦五言十韻用韻答之

冬十有二月暮
三百六旬高懷局
宇宙良會惜參辰
乘興訪安道
扣窓呼孔賓
巖人薰蕙若
奪自爛犀珍
風景乾吟筆
林花眩醉裊
溪山逢舊識
水竹樂閒人
歲籥逡巡換
春煒次第新
撫時嗟易失
涉道渺無因

循物探天運冥心觀我身相期共無數不與迹同陳
次韻黃侍郎壽若滄江海棠六絕

妙處東皇可得知溶溶生意不停機雨寒日暴渾無
賴憑仗陽和為解圍

沙暖花香弄午晴苦擦詩思浩難禁偷閒不辨追年
少只有春風會此心

為憐一片曉雲紅未放千絲暮雨濃調變陰陽賢岳
收滿川花意得春容

慣踏郊原浩蕩春重來春與物俱新渠雖自有生生
意把握天機是主人

帝恐嘉花不易成好風遲日故來承繁紅錯眩漁人

眼不識滄江有武陵

指麾紅紫思無濱抵當丹青筆有神百樹花圃編
易主人意韻領長新

次韻王荅馬海棠四絕

一春風雨亂書堆挂口林閒未放開浩蕩和風寒客
被來看大樹簇池臺

善識花人盡倚闌不將榮悴等閒看繁華奪目春如
醉獨肯懷人問考槃

右清淑堂海棠

宅在道傍如寶坊一奩明玉颺新妝當年共賞人何
在萬里相思夢寐香

數年前晏陪吳侍郎
錢少知訪花屋故云

右王氏花屋海棠

二十四番花信風川原無處着繁紅逢人謾說營
舊廢址荒營曠露空

右燕王宮

次韻黃侍郎晴若生子

未用占呱泣懸知頭角踈芝蘭庭殖殖梧梓厦渠渠
虎子驅黃犢禽兒駕小車憑翁何以遺行李五車書

題梓潼廟

士生一世果何事道喪千年不得傳魯貴熏天隨手
盡詞華蓋世為人妍直將了了聖童質只辨區區文
字緣神為斯人扶正學試教夢者一醒然

題上亭驛

紅錦裯盛河北賊紫金盃酌壽王姬弄成晚歲瑯當
曲正是三郎快活時三郎玳瑁則上亭驛故事快活三郎乃
明皇自謂也今市井猶有作土木偶人

以象
之者

九月八日類試別所與同事飲而店作

彼顓氏子木鷗張藥畏丹瓢為汝忙堆案文書埋白
日閉門風雨厄重陽酒嘗友我胡為崇菊亦愁余未
肯黃閒玩羣陰藏九九花開身健竟須償

次韻監試潼州提刑張兵部鈞有懷家宋摩

形安宇泰即吾鄉花解隨人到處黃何事歸心起張
翰有來妙語出君房榮枯境裏自殊觀造化機中無

別香不見儋州安樂法隨花隨客作重陽

用黃侍郎

疇若

韻題宇文發運瑞宣亭

二首

春風拍拍壽觴前人有何憂樹爾萱老眼未忘兒女
愛花隨人意瑞家園

花開鄂鄂自相親枝葉根心一氣春認得箇中真血
脉孝慈天分匪由人

用李致政韻題臨卽陳氏所居呂仙所留回

道人來四字

負甕城邊間日月翻環門上幾春秋東陽謾識榴皮
字南郭曾借柳樹遊踏雪飛鴻痕偶在寒潭過鴈影
無留至人御氣無今古妙處疑同上下流

燕新進士

已辦書生場屋緣楓宸入對字三千玉階喜得方寸
地屋漏如臨咫尺天學自孔顏斯用世道非堯舜莫
陳前便聽第一鴻臚唱衣鉢如余未足傳

送唐述之

季之

赴廷對

快着青官軟玉鞭穩騎驃耳踏雲煙便持金壺無雙
譽去聽賓臚第一傳衆所望君皆爾耳人之好我豈
云然古來名下無虛士試玩盈科放海篇

已未唱第後謝


恩詩

得本於昌州盧兄

聖皇學問富春秋當宁宵衣渴壯猷鵠立銀袍天
北闕龍飛金榜殿西頭般池繆對三千字黃甲俄

輸一二籌初學粗知存大體紛更要洗洛陽羞

重校鶴山先生大全文集卷之七



重校鶴山先生大全文集卷之七

律詩

次韻眉山胡宰喜雪

龍公試手發陰機
瑣定愁雲陣不飛
老樹垂垂低欲
壓
穉苗疑疑爛生輝
窮冬莫獻詩筒數
富歲先占訟
鉅稀擬待明朝約
清賞剡溪興盡酒
缸歸

次韻李參政壁李提刑聖見和鴈湖觀梅

春事何須羯鼓催
好春全看未花時
雨餘庭院湖光
濕人倚闌干夕暝
遲正會意時俄起
起到忘言處謾
期期鴈湖飲散人
歸後曾問梅花復
幾枝

次韻李參政壁上劉舍人閣學光祖

滔滔陸海與潘江得似韓渠受籍瀧天下羨官容易
得世間清論苦難降龍隨凡介便儔伍鶴從孤雲誰
等雙一馬二童吾計決山中花竹摠麾幢

和別駕喜雨四絕

四山豁日瀉黃金誰載亭臯一尺霖息處生機無間
斷劃然有頃驗天心

夏畦活活翠芊綿起視微雲尚黯然底事化工渾不
費笑余何敢更貪天

爾游爾衍與天同無處無時不感通云鼓漸稀鈴索
靜茶煙搖颺晚香中

山北山南徧插秧天時較似去年彊從今無事閒風

月分作屏星一半涼

送安同知丙赴闕五首

憂良白髮三千丈報國丹心十二時獨倚長空望紅
日滿簾風雨燕喃呢

京邑殿留司馬相東山無以我公歸德人用舍關天
運世上巫咸妄見機

當年匣劍授椽時都在將軍頤指麾誰者紛紛容易
取高皇約乘龜更爲

未須多買鄮侯田且可同乘曲逆舡昨夜晶山雲作
雨東流一水徑通天

閉門睡息正勦鞫野卉蓬蓬爛不收只憂一夜西風

急惱亂東鄰卒未休

用大禮揚少卿 韻題馮君山莊圖二首

摩挲淺雪跨驢圖便擬移家向此居素富素貧隨處
樂世間何地不嵩廬

入山佳趣已成無何事猶馳門外車書裏一丁愁憂

患人間六甲有孤虛潘閔詩高愛三峯插太虛回頭

然擬移家自此居
好事者畫以為圖

次韻李彭州 乞鶴于虞萬州 剛簡

急景應如赴壑麟感時心事可憐生湖邊鴈序殷勤

叫持寄新詩公故人

滄江羽客亦悠哉水畔梅邊雪鬪皓白鶴山頭曾有

約至今華表望歸來

賓朋滿座酒如江雪月風花應接忙攬盡山林間富

貴滄江公子太彊梁

江頭夜釣雨連明可是漁翁太不情白鶴縱違華表

約黃雞應念越人盟

燕孫節推搯

仗着青冥軟玉鞭直騎驂耳踏雲煙等閒禮樂三千

字酬答艱難十九年鼎甲聲華今有繼政涂事葉豈

無傳願君更拓勛名地重玩盈科放海篇

入日約李提刑 李參政 暨 晏峯 頤 馬上醉書

只從元日到人日便覺新年勝故年買酒買符酬舊

社宜替鷄宜麥祝新田般添和氣開花柳子雖切唯口也送
韶華入管絃我本田間飯牛者偶來解石亦犁然

李提刑李參政壁再和招鶴詩再用韻以謝

靜看澆滑幾游鱗爭似玄裳縞被生幾度有書招不
至應慙側翅傍他人游鱗澆滑見潘岳間居賦上
仕咸切下仕角切出沒之狀

錦江相去幾何哉未見樓前落雪皚聲氣同時無間

斷有時夜半掠江來

須眉皓白何為者未出山時舉世忙若使當時容易

致等閒鴛鶴混魚梁

弟兄孫子揔英明玉雪成圍眩晝晴寄語茅山何道
士不須苦共鶴尋盟陸龜蒙贈茅山何道士詩
此栖子孫鶴堂宿身兄仙

再和招鶴

仰看翔翻俯游鱗物意容容各自春遙想滄江五君
子長身玉立伴閒人

聲色於渠何有哉銀潢刷羽雪皚皚天邊亦是閒遊
耳爭向人間問去來

蒼苔散啄茅清江被服委蛇未肯忙清喚九臯天聽
在也知雅意笑鷄梁

蓬萊雲近綺疏明鶴砌分茶午夢晴何似林間看不
足併呼鷗鷺狎齊盟

李參政壁折贈黃香梅與人詠俱至用韻以謝

黃雲冉冉曉蒼蒼蒼閣倚平湖只自香較似寒枝雖未

至依然風韻挾冰霜
犀鎮簾帷風綽開當庭恰似前花回眉間一點看渾
似笑領江南春信來

露拂薔薇不太深春風庭院晚陰陰來遲未入黃昏
句誰喚錢塘人姓林

入眼風光似世情金裝玉質轉分明額黃十二誰分
似疑是仙人成智瓊

冰魂玉骨一枝春風格南昌舊字真誰幻神仙黃白
術時裝近日太尖新

玄天黃露真顏色金步搖中顫舞娃更倩南窗書姪
味不妨來伴太常齋

和羹心事歲寒姿若弟風標舍更誰謾道色輕花更

豔陳詩

幾成塗抹水邊枝

詩翁曾住玉皇家剛與梅花定等差涂上鞠衣宮樣
淺練裘編帽覺無華

李參政壁

約客訪西郊海棠予以齋禁不與

十日花期九日齋相園紅錦爛成堆不將小雨輕陰
駐剛把和風暖日催詩筆都隨許昌去春光不待收
之來要知榮悴適然耳明日茶糜芍藥開

再和

芹宮日晚守祠齋爭見花如火齊堆不復少年黃犢
健任今急景白駒催繁紅才伴栗留至眾綠又驚鷓

鳩來到會意時須命酒莫論花謝與花開

次韻虞萬州剛簡滄江海棠

維摩老子菌生菴門外滄江綠正涵夜雨村村拈花
柳春風日日長桑蠶晚粧才記海棠睡朝色俄看禁
藥酣造化新功鎮如此撫詩往往發余慙

上巳日約同僚過墓顧晚視新開橫江堰

拙魄雙交氣候新古今為樂屬茲辰蘭堂坐上皆豪
逸韋曲水邊多麗人顧我未能真免俗邀賓聊復共
行春却因遊豫思民事檢校城東白虎津

題李彭州望南亭

花木精神面面全誰將好景作去聲南園栗留枝上春

風思鷓鴣聲中曉屐痕簷外梅攀克及第檻前竹鶴
子生孫我今猶是數旬客遇意快時即打門

送李梁山錫之官二首

時論苦伊優如君莫肯留乖逢惟有命爵義不同謀
且袖長年手來乘淺水舟人間初水漲一室自天遊
質行疑似鈍至論本士奇一寸虛靈地千年德政碑
更窮山磴確毋嘆路透遲官職時來作天公自己知
趙深甫午年七十有親九十貧無以養索賦
困音思郎罷久無炊父曰子行胡不歸負米上堂寬
帶索不妨邊地戲兒衣

題三衢于杓良室

後前止字誤箋題只認連山終物時雨霽雲收青不改悠然依舊看朝儕

次韻李彭州至訪山居三絕

只嫌湫隘近城居無著名山萬卷書不道八荒皆我宇獨於此處認吾廬

古剎溪頭寄短椽山陰勝韻更誰傳似聞昨夜高軒過人怪儒衣往擔肩

不須更草北山文歸去開關掃白雲興未盡時仍重訪我非辟世可同羣

次韻李參政壁秋懷十絕後五首竹枝體

怒濤撞擊吼籠銅鷲倒江邊百歲翁西望陰霾猶未

定火雲偏在五雲東

穉金老火戰重圍京洛緇塵點客衣輸却東園南閣

老水花開檻夕陽稀

坎北羣靈付大鈞人生於世本何營浩然中夜存存

氣不藉西風夢亦清

書棚尚有送春詩又見秋風滿範圍夜雨床頭多釀

酒天邊一舸有人歸

月華如水恰中庭烏鵲枝頭栖復驚晚暑三亭隨雨

過秋聲一半在蟲鳴

怒雷唳雨吹塵沙想枝草樹紛籠加可伶荷屋風不

定但有白紅三數花

河神不恤吾民勤濤頭射山危欲傾似聞凌雲灘頭
水前日肉薄幾危城

母心日日兒當歸屋山首盡烏鳥栖安得使我如烏
飛母旁哀地爲兒啼

止勢流行息勢生春作夏長秋敷榮其間毫髮皆帝
力民日用之無能名

新詩妙處古人過節制場中老伏波枯腸亦知費搜
攪奈此風景觸撥何

次韻李參政壁賦墓頤新壇三首

墓頤江上靜無濤永逸功夫在一勞昨晚秋風原上
看長腰杭米薦琴高

夏秋雨集澗溝盈雨過江空洲渚生事到無根元易
洞要將心地作池城

八表雲昏氣候偏秋霖成澤市乘舡平舟老子閒無
事看盡熙豐五祐聖年

魯提幹獻子以詩惠分茶椀用韻爲謝

禿盡春窻千兔毫形容不盡意陶陶可人兩盃春風
焙滌我三外玉色醪銅葉分花春意鬧銀瓶發乳雨
聲高試呼陶妓平章春正恐紅綃未足褒

次韻震萬州剛簡見寄除夕江村餞臘二首

非我江山許我餘有涯生事不無涯雨添餅餌村村
秀風作羹肺樹樹花行玉盤中看物化纓銀幡裏感

年華初春心事誰人解夢落滄江處士家

處士西城落照邊春風吹袂意冷然閒中受用封干

戶聖觀功夫祿九遷竹外緩觴留急景沙頭飽飯看

豐年詩來發我無窮思擬上滄江別看天

南郊祖帳賦五十六言呈劉左史尤在

綠水青畦潑眼明紅英翠柏伴將迎春懷拍拍渾無

極王事忽忽苦有程迎驛星馳驚客夢白袍鶴立喚

人行所嗟文物寒家甚况忍同時別兩卿

許侍郎奕同飲郊外王氏亭分韻得風字

萬綠成帷派晚空不知門外幾番風月拖樹影闌干

角燭挾花陰酒醖中飲雋青山如有問曲終遂意浩

無窮登臨此地知多少氣味應難似此同

送李左史壘郊外和范濶州子長贈李韻

滔滔斯世果誰歸行止乖逢自四時桃李貪看炫春

書蒼麻誰解濕東池雨雲翻覆人輕薄早嘆艱難女

世離須信人生歸去好此行惟有鴈行知世間偶上燕

江紅曲故末語又之

別東叔西叔二兄于遂寧門外

畢通枝上曙光和日日庭闈盼樹柯風送驪歌鷺短

夢雲拖鳩雨濕長坡母心念子無時足王事催人不

奈何但祝愛身崇令德長教此意得天多

次韻遂寧府宴貢士即席賦二首

過盡一春花信風魚天鼓浪送蒙衝鳳翰有目爭先
睹牛角無人嘆不逢選試謾稱新漢使作成端屬舊
春宗鹿鳴賸作中和曲唯子鮮反送飛黃出蟻封
誰把浮華變古風頽波袞袞日奔衝人情容易隨流
去此道分明觸處逢學似董晁猶有累文過元白愧
無宗諸君自此皆外矣更向根基厚自封

慶萬州生日副簡

玉湖面面碧回環六月寒飈撼屋山跨鶴不隨刀夢
去卧龍甘與壁梭閒漁樵是處便爭席利欲年來早
閉關拂拭石君勤把酒照人風節兩孱顏去歲嘗以
靈壁石為

使君壽
故七

滄江深處汲難渾世味濃枯不見痕竹影移杆風澹
蕩芰荷搖艇月黃昏坎離合處靈根峙剝復機中碩
果存門地人才如許秀可能投老釣魚村

初度相望十日期一尊無路扣江扉羈人職事門重
鍵堆案文書山四圍未辦五千餘卷讀空慙三十九
年非遙思道義賓朋集夢作滄江鷗鷺飛

董侍郎居韻生日王首

紫氣飛騫一馬聰當羣輕下五雲東詩書意味江都
相琴鶴規模清獻公長嘯驅風靜秋戍精神喚雨作
年豐列城香火知何限蒸起祥雲入頰紅

上到青天更上頭好風滿地水連疇雲開玉斧河邊

戊月照金牛，岐外秋舉目。河山無盡藏，關心籌略最。
高樓幸夷花，下鳥塘曲未許。夫公憶舊遊，

潞公曩自蜀，遙歸約僅踰。年東政機當，日燕毛誰與。
並後來接踵，未應稀從星。元合陪天柱，戴氣靈當遠。
日畿會着傳，宣燕私第賜。香成霧縠成，圍

王總卿銘生日二首

上到青天更上頭，蜀人猶記舊星軺。安絃在昔猶危
柱，桂壁於今倚大弨。棠樹留春便野艾，桂花和月引
僊瓢。風雲不隔連天棧，門戶三槐拂絳霄。

浮雲纒控卷晴疇，一日天隅盡好秋。路有醉人挑撥
襖，邊無嘶馬趁兜鍪。關張叶氣憑弧矢，收拾豐年報

冕旒小小經綸已如此，不應留滯古梁州。

登冠山次瞻叔兄壁間舊韻

蘆花樸樸雪連天，楓葉慘慘日滿山。似識遊人非俗
客，遠峯臺露玉孱顏。

又到黃昏別有天，落霞明月街山亂。煙遠樹供詩
卷，濁酒狂歌伴醉顏。

與劉左史

光祖同別楊少卿子漢于南郊舟

中用宋兵部

德之韻

王龍老子訪僊鶴

左史往果州社養

俗事祇今長刺促，可人自昔費招呼。憂時

恨不百子駿，背我寧堪二大夫。蟻擢黃昏不成別，畫

成江上送行圖

再用宋兵部德之韻送劉左史光祖

蔡維不住谷中駒愛戀徒占屋上烏開漢樓前迎

劍騎臨津門潼川外罷傳呼宅家未忍忘賢傳衛宇

胡為戒僕夫閣東衣冠聊一笑不為耐辱司空圖

次韻李參政壁和薛祕書詩見寄五首

寒城眺晚牛羊下翠蕩涵秋鶴鶴飛風雨燈前話

昔應懷坡穎不成歸

扶木之陰三萬丈曉光絕出眾山尖分明大路平如

掌朝發崑崙夕至崦

行有尚時觀習坎不終止處認兼山止中自有流行

好不在從違用舍間

將相時來應不免人生難得自由身及今且續宋一

藝莫逐蟲魚注李巡

書來寄我薛公詩磊落襟期尉我思所謂伊人在空

谷公侯逸豫鎮無期

謙申甫惠詩有隨緣婚嫁之語因次韻贊之

幾見三星桂屋榮人生難得是青春已驚梅實盈筐

官方待河魴下釣綸乃事未能超俗見感時寧不念

天倫隨緣昏嫁君言是且把乖逢付大鈞

重校鶴山先生大全文集八

重校鶴山先生大全集九
律詩

次韻瀘帥范郎中子長再和所送李季允直
韻見寄

人老邊關未得歸，行違久速只安時。
隨天閣風搖嶺語，挾春來草夢池。
舊壘無華閒睥睨，新機有句到侏離。
孤衷耿耿無人會，只傍天公作已知。

新陽拚地喚春歸，生意綿綿重此時。
青女卷寒還朔易，朱輪駕暖出咸池。
恩流未滲魚猶涸，禁網雖疏雉或離。
撫事傷時無限意，馮梅折寄故人知。

題羊節叟介壽堂和劉左史光祖韻

兒大詩書敵富強婦供滄瀆養尊章照盤曉日龍爲
炙介壽春風玉作堂禮物皆由天賦分家榮亦使里
生光人生有子不翅足况復孫枝習氣香

次李參政壁所和五絕句韻因以爲壽五首

竹外臯禽相與和湖邊沙鷗自由飛美人醉踏梅花
月笑領明年春事歸

過眼浮雲飛白劍快會心真趣付爐火羲皇弭節前余
路日景方中未迫崦

漠漠煙塵連北道幽幽草樹蔽南山照人明月長無
寐達遍清風五百間

天地之心萬物靈世間難得是人身目前放過知何

限好與光明做一巡

天如有定開平治寧患無人安子思到出手時須卓
卓逢開口處莫期期

再和前韻答賦五首

羣青海上迎機舞雙鴈天邊避弋飛犖犖此心天與
識滔滔斯世我誰歸

秋到山川自童涸春回草木又勾尖陰機盡處雷居
地月魄生時日在崦

甫田之田去驕驕芳大國之郊濯濯山養且難成摧

則折寧居材與不材閒

別來滿眼簿書塵想像湖邊玉立身文陣時傳驢將

令愁城不倩酒兵巡

一聲鳳唳朝陽裏慰我雞鳴風雨思藐藐大鈞那可

問有才動與厄相期

書遂寧何氏穩興齋

巫峽孤舟嫌太重山陽小艇又偏輕直須裝載停勻
着更要其間御者平

赴遂寧進士期集即席賦

聘幣鳴騶選實才輦輸使者作行媒般添春意和檀
墨唯送花風上翠梳世論且然聊爾耳諸君行矣勉
之哉邦人此意毋虛辱滿貯香名萬里回

送劉類元炳奉對闕庭

突兀脩名磊魄宵一鳴冠蜀未酬公十年解瑟無調
瑟百載張弓未弛弓剝啄門邊誰主客畢連城上孰
雌雄引吭為作朝陽瑞攜取香名壽迺翁

二月二日遂寧北郊迎富故事

才過結柳送貧日又見簪花迎富時誰為貧驅貧難
逐素為富逼富豈容辭貧如易去人所欲富若可求吾
亦為里俗相傳今日以謾隨人意看兒嬉

二月十九日席上賦

四首

野茶蘂發雪堆牆草牡丹開月照梁世眼都隨人毀
譽豈不知底麝是真香

露漬風揉嬌婀娜煙籠日炙綠鬢鬢風流名字時方

污亦為儀容太不矜

昨宵渾不遣花知畚鍤和根帶露移睡裏驪珠醉中

殺想花失在未醒時數日前小圃移茶藤根老根深

餘而花自若也故及之

年光又見一百五春意才餘十二三節物催人渾不

覺謾隨白墮香紅酣

翌日約客有和者再用韻四首

柳梢庭院杏花墻尚記春風繞畫梁二十四番花信

盡只餘簫鼓賣錫香

堆案文書長引睡起來搔首亂鬢鬢眼明嘉卉紛紜

綺竟是脩管美從耳棘矜矜一音巾

妙處和春莫遣知晚尊隨柳逐花移落花繡地春深

日翠柳從空月上時

古來長恨難并四今日相逢所就三花裏賓朋皆莫

味夜涼風月更清酣

昨有禱于社稷及境內山川是夕枕上聞雨

郊宮方社詩攸重川澤山林禮所崇古祀不修牲幣

廢苑鏜聲裏紙錢風

中春天氣似朱明翕翕炎威惱亂人一夜簷前天雨

麥曉來仍作本來春

次虞萬州韻送曹簡夫彥約守宣城待闕

旅力方剛髮未翁不令憂樂與民同卷人間事風塵

表收天下春襟府中江北勤勞誰念德湖南幹事未
論功如今又聽還家去緩急分明要此公

次壁間韻題懷安道上三州王氏亭 六言二首

滿壁故人何在倚闌心事誰同蚤徑遊絲昏日亂山
瘦馬行空

老農不留地方萬物取具天公曲曲物坳夏隴枝
葉葉春風

以使事過成都訖事而歸虞萬州 剛簡成都

尉高表兄拉訪靈泉亭高表兄風雨連明
遂謁朱祭酒祠即事賦 四首

蒼蒼風清醉騎香滿身花影踏斜陽行在盡處山圍

郭又聽松風吹客裳

青燈相對同胞弟白酒交酬異姓兄 先是靈泉兄嘗遣詩抵虞侯有

云疑幼滄江異姓兄風雨似知人有約終宵都作對床聲

無事江流到處平無言天運四時新真僊此意何曾
問直到如今瞪眎人 取瞪眎高士廉意

天運無窮成變化水流不息作江淮須知瞪處非無
事莫著僊人舊草鞋 取居士僊意

臨發潼上許侍郎 爽 提刑 餞于東山賦詩

留別

人生出處亦何常又到涪江江上鄉山色如逢故人
語松聲仍作去年香紅裳大袖蒲清鏡翠斂白沙明

夕陽未省此權何日更擬邀明月照昏黃

題漳川賈伯用崇雅閣出文體

寒鄉晚學恨無書亦有藏書不若無護把詞章作禽
犢或鑽文字等蟲魚新籤三萬幾成肆柱腹五千猶
類厨崇雅主人來索句謾哦十字勸躊躇

約客木屋下有賦

茂樹幽花元老蒼不隨衆卉入詞場虎頭點點開金

粟

顧虎頭善畫金粟

犀首纍纍佩印章

公孫衍佩五國相印

明月上時

疑白傳清風度越越黃香人才生世元如此不為無人不肯芳

八月十四日夜約客月下有賦

秋空和月卷玻璃清入肝脾觸撥詩元自生來全體
具只緣見處一分虧俗情數日須圓候識者先幾畏
蒲時千古詞人誰解道擬將今夕當佳期

即席自和

薊林逗月剪玻璃要索人聞飲與詩不飲清風強我
俗無詩明月怨人虧少陵正念西營日越石方驅北
狄時蒲目憂端無處說且將醉口謾期期

八月十五日夜月意優寒夜久微明須更復

晦瞻收兄有詩因次其韻

長風送月九霄寬無賴浮雲在亦頑本自無私長委
照不應有礙似偏慳君生望治東山隱四海傾風釣

瀨閒潛復雖深終是昭為停觴且待夜深還

翌日對客雨中再和

風雨盲程不少寬告焉藐藐似毅頑苦於風月佳時
競甘向雲霓望靛煙天象自從盈裏缺人心正要用
時間浩然此樂無時極應笑微之興盡還

贈相士郭灝

載小奚奴長自隨兩牛腰大贈行詩逢人有問輒如
見及我相遭不肯奇每會面時長好好開口處或
期期道人莫是朱僊術當與余言未及之

李微之心傳聞其弟貫之道傳西歸以詩送

之劉左史先祖和韻屬余同賦

室中萬象鎮寬閒舒卷風煙入鳳山俯聽候蟲坏戶
去仰看倦鴈絕雲還

只期玉女是用諫肯為金夫不有躬想見江南西廡
使天涯顯穎鬢成翁併謂真景元也

行李營營遍八荒趨車久騎赴春忙莞然獨笑無人
管寒蕙牆東蜀海棠

公卿奏疏謾琅琅誰乃樓蘭搯鬼章巢燕豫憂空
北幕烏未到岷之陽

滔滔斯世我誰歸置散投閒分亦宜乾鵲頗驚仁鳥
害堅冰已向履霜知

曩與劉公同一邦如今背我去堂堂京師尊貴在朝

者為問誰能踰向章

王章傳京師尊貴人
在朝者誰能踰中卿

元夕卜油溪故事

不隨洛俗占燈影不學荆人問紫姑賣得薪來卜油
去豐年還似去年無

滿目憂端膏火前聊將膏卜驗新年只祈五色雲瑞

世不願蚩尤旗亘天必油點水或以五色
雲或如絳青旗故云

和李參政壁正旦聞邊報

羽檄連旬月邊塵換歲陰捉衿憂見肘補肉忍剜心

天遠鴻雁急林疎鷺根深直將歸往地都作殺胡林

參政送乃強知閩州詩云莫
令歸往地翻作殺胡林果然

茂叔兄還鄉北郊酌別

動是三年別纔堪十日留蒼頭相與並軟語未能休
祇攬道遙夢負成浪泊遊相期各努力歲月鬢邊酒

次玉萬里萬愁霖

江聲砧杵入層樓預作人間八月秋虹外桂無窮遠

思鴈聲鳴不斷新愁漢淮赤地不知里巴蜀青天更

上頭寒我康時分無策只祈一飽暫銷憂

贈術士龔恢乙

龔生來過我極意論先天自得環中趣無言已十年

題桃源圖

伏勝高堂書已出竇公制以樂猶傳魚目生方破秦儀

陋商皓然扶漢鼎顛隲者寧無人禮義武陵獨匪我

山川若將此地為真，有亂我彝倫六百年。

題賈伯用大龍阡

積薪寢火漢公卿，爛額焦頭城郭日新河。精神開白
日三泉血泪濕，初春舊聞撤難須。男子誰識先機有
婦人添入開禧忠義傳，擬將并珥易冠巾。

次韻李參政壁龍鶴山廬

山色醉痕邊，溪聲客枕前。山溪元自舊，人已別經年。
天公富萬有，秋事不曾貧。靜院歲時信，動觀天地仁。
莫使兒輩覺，從渠青紫紛。馬前金罷亞，鳥外美襟綸。
世事從頭數，時機觸眼奇。山靈莫留客，大夏要人枝。

李參政壁約至井監偶得三絕

忽聞車馬下天來，擁術闐衢撥不開。六十七年無此
客，竈前老隸亦驚猜。

不乘轆轤上公車，軋軋肩輿兩僕夫。世道險夷隨所
遇，車中只是舊時吾。

溪邊鵝白蘆花瘦，山下鵝黃稻實肥。更得天公晴十
日，今年穡事庶乎幾。

題成都憲江公亮

公廉勤謹忠信和緩，歲

勤似切切廉揭揭，謹疑躑躑信恹恹。佩韋董子柔成
緩，專瑟梁丘和近同。義利只差絲杪忽，功夫端驗始
衷終。六箴須把公忠貫，公處還歸一字忠。

自長寧阡過靈泉兄墓，蕪黃紙從隈支以歸。

晨策犯層巔危如峭壁緣溪明人在地路絕馬行天
松倚露雲立稻依霜雨眠不知歲年晚撫事亦悠然

李參政壁生日

文章心印老傳家閒弄湖霜拭劍花時事令人添白
髮只憑書味養靈芽

天馬流行不見痕黃鐘吹籥煦乾坤坎離互處靈根
峙剝復機中碩果存

才記官來早才官行人驚說路艱難行藏用舍何關

我時把尼淵出處看

才記官來三節父老語
北類用舍公齊以為言

歷盡玄枵十二辰飽看三十六宮春纔噴一雲挂龍
雨又卷雲霓還翠旻

梅豔凌霜帶雪餘鈿華洗盡玉生膚東方千騎推人
去聊折春風寄鴈湖

絕唯梁夢誤金甌又嘆祁征困木牛只藉人才作元
氣聞公安健百無憂

安宣撫生日 丙二首

知是皇家幾世仁天開人物作長城元崇雅號濟時
相景略真成間代英天路旂常鋪績用中原草木識
威名北征西略公餘事應念同胞百萬生

踈艷煩公刮目看肯持諛語祝如餐千鈞弩上機寧
易百尺竿頭步轉難事遇快時聊復忍民當急處累
須寬掃除荆棘栽梨棗累壁重圭耐歲寒

和楊仲禹送史子修 特奏赴吏部注闕

科名寧較後先題嘆老嗟卑世所迷須識是開天地
似要知立處聖賢齊人情一理塗塗附古道千年印
印泥屬子隨時崇令德窓前紅日未全西

和除夕前一日南叔兄會楊仲博約楊季穆詩

玄裏探幽識罔冥易中觀象見文明心虛有友皆三
益宇靜無時不四并物理玩來成獨笑年華見慣漸
忘驚只餘親友關天分離合鍾情不肯平

人日南山寺約江憲果

天開三十六宮春又見階蓂七葉新雨足前窮來齊麥
隴時和者不斷遊輪記曾英蕩為使客却擁朱轡作

主人客主何常均寄耳繫邊認取本來身

正月九日北山雍熙寺約同官

自從寒陸爽乾坤律呂還宮歲換辰曆紀人正纔九
日斗移天位已三春銷磨壯士姑隨俗牽引開心苦
為人終愧時艱才力短只將民命倚洪鈞

春社日記事既畢轎中得二絕

風雨聲中聽李陵起來被服對神明歌鍾才徹車轡
動歸到譙樓恰六更

輾然馮軾受風吹吏皂前驚雨濕衣豈識主人非岨
強一川生意索寒幃

陰霧冥濛慢鼓聲由坡勃窣誤輪蹄居人閉戶未收

起太守車前一尺泥

觀南隄

吏報南郊役事休好風吹袂到江頭長堤飲水馬非
馬疊石護田牛戴牛見考處處女筐禮記野老歲禮記

村村社鼓麥祈秋守官不辦康時策只把農夫作已憂

正月九日川上之遊楊季穆緯以誦唱見寄
走筆次韻

雨中未放笑眉開獨守空齋著玉杯觀水功夫隨處

見逝川意思即心來

次韻李參政壁見寄三首

自失鷗邊約應羞鶴上人竹荒青翼短書言遠墨題親

世事方嘗瞻時賢漫飲醇國疑誰為嗣公子急振振

時景猷堯未立皇子

怕放紅樓日浮雲斷復連遠看蜃聚攔近眎室如縣

耿耿自許國悠悠誰評天天心那可識拄頰看晴川

湖畔三頃林釀成聊獨斟積薪傷汲直求舊感遲任

夢裏牛山峻吟邊鴈泊深兩鄉明月夜應照舊登臨

重校鶴山先生大全文集卷之九

重校鶴山先生大全文集十

律詩

次韻李參政壁見遺生日

六月不知暑湖風漲晚林憑闌追舊夢馳驛寄新吟
出入三朝意卷舒千古心感余不暇懶牕影午蟾侵
月暗書中色霜彫鏡裏年滔滔時易失落落意難傳
信已終違俗隨人謾辱先輸他南閣老歌玉弄寒泉
幸有鶴山房圖書繞夢香况熟聞道淺何苦爲人忙
五斛米非分三間茅可長何當重祿几同踏古松岡

送王教授辰應之官臨邛

贈喜人從義理趨却憂來習墮浮虛未通經術先談

傳祇送人言不識渠偶向檐頭覓桃李徑從紙上索
鳶魚君今去主師儒席後倦先傳謹在初

余既賦詩坐客請以唐人花車斜韻同賦

醉中作五十六言

人生偶被浮名誤往往貪程不識家醉眼亂穿青草
殺狂心長戀碧桃花舉頭大道平如掌入鬢韶光轉
似車是乃吾憂今贈子情親語直字欺斜

八月十四夜月用舊作韻呈諸友

鬢髮成宣面欲黎逢人恥誦故年詩才看覆象應知
滿未賭乾文已識虧止處光明渾在裏偶然顯晦漫
隨時風光流轉渾閒事要與知心結久期

應提刑

懋之

以十五日和韻見示再次韻

大圓垂象曉羣黎猶送昨宵畏滿詩要看天行嫌位
亢若言人事惡功虧外於正處元為利坎到盈中乃
識時疑我冰輪公賜厚敢申餘義副襟期

九月丁亥秋祀畢勞農北郊蘇提幹在銘以

疾不往以詩見寄因次其韻

秋嘗事畢與賓遊神惠如臨不敢留騎吹一川松露
曉踏歌千里稻雲秋幽公堂上兕觥薦鄣使溪前經
律誼盡日臨民看不足歸從蘇子靜中求

李參政壁生日

六首

已露明年造化機便將六十四年推後天八八無窮

數一畫初陽自此基

歲月陶鎔兩鬢毛坐看時事尔滔滔可能只袖區中
手鎮在湖亭讀楚騷

八十踰蹊老阿兄一窺風雨伴雙清武昌近日音書
少時聽湖邊過鴈聲

瀉出清明醉眼醒都人彈指祝前星憑誰提起源頭
話治國齊家要六經

勞面花門未果馴夏人兵馬薄熙秦誰將鞭策驅時
運十數年間日日新

分付諸兒自致身朝陽閣上看長春梅邊認得真消
息往古來今一屈伸

次韻蘇和甫在錄雨後觀梅

歲寒賓友伴蕭蕭客氣無根已盡凋疎影照人騷夢
冷清香徹骨醉痕銷話逢理到春生坐飲爲心知月
滿歎更祝天公多雨麥時攜樂酒酌芳條

海潮院領客觀梅

竹外蒲牢挂晚晴霜威洗出月精神山無此客林泉
活詩到茲遊景氣新元是當年郵縣北不知幾度梓
州春梅邊認得真消息往古來今一屈伸

嘉甫弟生日

山居面面接青天更把青天觸處看心事和平官職
耐家人順正室盧寬栽培桃李扶春意長養松篁伴

歲寒門戶午鈞今付汝書來時寄我平安

瀘帥曹太博叔遠生日四首

荔香搖艇下瀘川自別君侯十八年射我調飢刻為

歲爭如兩日往南田二十七日公欲供張南田以候二十九日相見是日急欲見感

故怨緣岸

天馬無蹤運四時試將六十四年推後天八八方來

數加倍無窮自此基公年今六十四

十年更瑟不曾調百載張弓未肯弛隨事提撕民受

賜寧論外服與王朝

萃萃聖門心事長悠悠客路鬢毛蒼東南人物寥寥

甚扶植斯文我所望

舟至合江度周卿正以詩相訝次韻

雨滿長空水拍疇荔香松色倚江流半牕燈火千年

夢萬里風波一葉舟謾道班御若僊去誰知謝傅正

同憂西歸待我期相告橫被風師三日留

將至古渝虞憲剛簡以三絕同端午節見寄

用韻為謝

故山朱果恰離離翠竹青蒲護衆菲夢裏不知身造

闕間隨白鶴照江衣

鬢邊憂緒已千端誰喚扁舟下燮干落日明紅劍如

雷勇心觸撥到樓蘭

蓬窻暑雨氣低垂不記龍舟競渡期詩卷打門驚節

序滿盤角黍正纍纍

萬州守潘叔豹拉登魯池觀荷花荔枝

密林和雨翳離支曲徑留陰切藕絲自入渝涪山色

惡眼明見此魯家池

分隨猿鶴老隈支趨詔重來兩躋絲解石一觴莫受

凸能禁二十載差池

和崔侍郎與之送行詩韻

昔歲沾危日煩公疋馬來人心成勝執天理是良媒
抖擻精神集扶持氣脉回黃宮又一點有許到葭灰
軋軋度空明懷人夢不成蜀天隨處見卮酒與誰傾
多事鬚毛改長途解肉生隨流渾未定莫息滿缸鳴

即席和丁夔安帥瀟逸行詩韻

人生行止莫非天去國重來十七年學自孔顏期有
是道非竟舜敢陳前憂時正念梁甌缺視已當如趙
璧全若得時清身不辱儘教人道是登僊
眼明織翠剪新詩勉我當今尚可為知覺斯民知覺
我溺飢天下溺飢誰志亨不管身窮達誼正寧論効
疾遲倒盡玉瓶談未了沒頭刀沒淚與君辭

和夔漕王觀之韻

開濟堂前洗櫂歌淵淵舳舳伐靈鼉雲埋白帝千山
小浪拍青天一葉過解石天涯驚易別顧瞻水劑得
如何惟餘報國忠肝在鐵石玄堅尚可磨

成都別酒幾何年再見江濱自豈偶然胡不握蘭居紫
界却來轉粟上青天鵬圖海溼鷺新味鴈斷衡陽感
舊聯國子先生書在笥願從熟路力加鞭

生日和辛江陵

克承 即席韻

有生同得本來公凜凜淵氷保降衷多愧行年稱有
子長懷當日謝無功羈蹙不稱歌三拜淺量難堪酒
一中飲盡玉瓶天地闊不知身安在楚臺風
笑語聲中別有天巫雲楚岫玉明舡冷風入坐酒無
力斜日媚空花欲然獵獵旗風猶裏裏五搖搖帆影立
秋千他時輦路追今夢儻許陪公髮未宣

李季允

皇 作吞雲樓索詩和總漕韻答之

柵新飛觀走狐嘯樓鶴洲鸚賀此漕整暇旌旗登截
業奔波舟楫笑嗷嘈宅中平後規摹拓燭理明時運
量高須信是間天地似詞人雲夢持秋毫

舉頭無語望天高有許功夫歲月惜萬龜龜貅仰膏
兩百年事業倚江濤雲橫紫邏憂千緒露立蒼生命
一毛昨夜西風弦月魄可能無夢到神臯

巖舟琵琶亭次福士張元龍以詩代東韻

人生行止莫非天萬里風波一葉船時有賓朋慰牢

落筆論遠道困行躔

樂天未信果知天柱為琵琶絃繫舡須識屈信當事

耳暑寒代序自移躔

楊仲博生日 七月二十四日

平陸雨足蟹魚肥
遠水涵空鶴鶴飛
相對不知身是客
兩家兒女綵成圍

玉粹金渾好弟兄
向來馳譽鬚雙青
世間賢美寧常有
百歲三亭過一亭

任教寒暖看先鞭
儘使權豪奈選班
縱謂我迂嗚我矯
箇中所負重於山

史君使走之約登齊山自弄水亭過清溪橋

至虛天洞洞乃史新作或曰此即左史洞

又至華蓋洞翠微亭史倉索賦

自分宇宙有江山
獨覺新年勝故年
水拍大堤人射

地路艱絕絕嶮馬行天
松蘿冉冉開還密
洞谷豁豁斷復穿
理道元來無隱爾
人從紙上看天淵

李池州 和韻見寄再賦以荅之

晨策隨鳥瞰屋山
面前只赤闌
同年印人自愛橋中樂
晉客驚逢洞裏天
行傍輜軒心半醉
坐看戲衛眼雙穿
西風一夕驚龍睡
撼取明珠出九淵

高不疑 斯謀與客登梁昭明釣臺李肩吾和

前詩見遺用韻謝之

籃輿輒輒度齊山
文獻風流數百年
遙想牧之歌
晚月間弄白也詠
平天只餘釣水梁
臺在未辨登山謝
履穿多謝秋風吹
好語如陪杖屨
俯魚淵杜牧詩

尊遲晚月咽咽上幽渚李太白秋
浦歌水如一疋練此地即平天

十八日上壽退 賜坐十九日貢院錫宴

二十一日 紫宸殿御筵即事 七首

珂織搖心夢不成忽聽東皇放衙聲吹燈撥火供晨粥
粥起到皇城恰六更

嚴妝列衛啓宸居百辟滔滔石貫魚後隆空臣先奏
事猶隨郎從立前除

有次鞭鞘陸續鳴指袍當殿萬簪纓羣臣拜舞分行
坐十味肴羞酒五行

蹴鞠尋種列廣庭吹絲按竹布前榮御郎朵殿渾無
見只聽時時萬歲聲

再坐猶餘四屈卮筋驚肉痺股生肌侍臣醉飽皇歡
洽更看終場角抵嬉

蛾眉班捲戴花回遙望君王五色閑畫楯諸班謝茶
酒瓦高首下一聲雷

十七年間作外臣重來三日齒嘉賓天顏不減當年
澤點檢同朝共五人

和楊尚書 汝明韻送蘭恭甫歸永康

夢遶秦祠月半稜歸尋嶼嶺雪千層儻來富貴堪藏
蟻儘大科名筆誤蠅須驗家庭真事業更追簡册次
交朋他年再出為時用莫遣功夫似不曾

十二月九日雪融夜起達旦

遠鐘入枕雪初晴衾鐵稜稜夢不成起傍梅花讀周易一窻明月四簷聲

十日夜聞風聲

雪盡冰漸涕亦晴布衾紙帳復求成卷書擬續前宵夢一夜狂風撼戶聲

臘日同舍郎即湖上送諸葛吏部安郎赴湖

北常平次海吏部立中韻

繡衣銜命去祖帳為玉留大舶滿青鏡寒雲明玉舟歲餘官事省蜡屐吏功休千古行藏意梅邊細講求

楊尚書女明和晴字韻詩適趨部復再韻謝之

靜將軀幹險陰晴風雪中閒玉汝成襖被直趨郎省

直更無刺刺耳邊聲

冬令陰陰我獨晴世間寒暑一離本由成玉珂金鑰聲中睡無限山林入耳聲

袁都官甫同前韻賦二詩一章問易邊賦唐

律二章素奏劉錄本

那得閒功詠雪晴風光自解凌詩成須知精粗無非易千古人心只一聲

一天西雨又東晴喚作陰晴雨不成朝睡著人渾未覺嗚嚶枝上一聲聲

次韻楊尚書汝明立春

帽屋釵梁剪綵新誰知井底及池瀕只從陽月方中

日已作明年第一春
行玉盤中驚杜老扣窻聲裏喚祈賓扶持大道須公
等正恐鄉車未可巾

曾少卿煥約飲即帶賦

深院簾旌晝掩門海牛挂出好乾坤日烘花影漲春
暈風撼柳絲明醉痕極目翦來齊翠嶂關心看不斷
青原明朝又逐文書去且盡今宵極意論

八月七日被命上會稽公途所歷拙於省記

為韻語以記之舟中馬上隨得隨書不復

叙次二十首

幾帆松艇趁潮生隔岸平疇喚得鷹正到渡頭失歡

喜泥行十里是西興至瘦頭蕭山縣全設紹興府車
紫幃青繖雜旗旌烏帽銀盞徒敲鉦導哄略如州別
駕無人知是漢廷卿

未到錢清西易舟西興易紅舫錢清橋外又易微

軀兀兀任沈浮一作從渠遇山陰境裏平如練一夜

安眠到越州三更後至山陰尉解

越州官吏出郊迎騎從香輿舍妙明太守以下迎即

外乘馬行去寺在今妙明寺側相備報為寺而非寺也只把一誠將聖孝堯眉舜目儼牆羹明

御香三日出齋廬騎至城東下鑑湖瀾望湖田連蕩

地菱花面日半模糊注見後

三十六源光奪鑑九千餘頃稻盈車何年使客徵微

利不備稽陰數萬家湖之水有源三十有六表三百里

者為田政和末又併牌外亦為田自是盜耕者眾雖

嘗有復湖者終不能如舊蓋耕湖者當春放水則民

田被浸夏秋網雨則湖田溢利由防民田無水灌

相田之利歲不過上供五萬石湖田若湧地區不滿

二千餘頃耕湖有亦不過數千家而二將之田

九千餘頃民數萬家歲有水旱之憂莫之恤也

先從贊殿拜昭慈尚想從容鎮事機九十二年神馭

遊架拋猶是舊裳衣贊宮上設御榻前首骨林食惟帳

四帝則帶匣懷襖於姓道服袪袂乃帝御之服

右大衣帳衫履襦袴常服等衣制與小昭慈尤甚

帝以黃羅帳黃襖昭慈以香垂簾殿政亦以黃餘五后

皆以乾紅昭慈大衣以紅番羅憲聖成蕭諸后以黃末

次從祐早至思崇先昭慈次永祐上下宮次永阜下宮終

永崇周之日以道便登贊宮號上

之日仍以尊卑得次贊宮號上

贊景俱分上下宮贊宮號上

宮各有見任官如通判幕屬知縣一負監視

周官雖有墓為乃細考元非暴祭儀九十年間雖未

復陵殯雜用最堪悲

新婦尖連趙家壩鎮龍山望上皇村趙家壩今禁園

其地也山巔號斷歸尖慈橫宮宅其下寶山所宅乃

之東有鳳生鱗號上皇村下皇村旁有懸龍山若言

此兆為前定人事是非都不論

沛宮竟魄只思歸不道蒼梧與會稽帝寤精神天陟

下聞似八陵舊山水地垂西北聳南東

一位有着酒一庖祠官熏灌祝陳詞降外六拜焚詞

罷六日精神用一時奉常少卿有事于四帝皇叔祖

察尊長不熄有事于六后每

幕屬知縣一負監視

周官雖有墓為乃細考元非暴祭儀九十年間雖未

復陵殯雜用最堪悲

新婦尖連趙家壩鎮龍山望上皇村趙家壩今禁園

其地也山巔號斷歸尖慈橫宮宅其下寶山所宅乃

之東有鳳生鱗號上皇村下皇村旁有懸龍山若言

此兆為前定人事是非都不論

沛宮竟魄只思歸不道蒼梧與會稽帝寤精神天陟

海邦氣候異中州
漢被來時八月秋
滿枕松聲眠月
露夜深仍與被為仇

禹穴元從一罅通
禹陵元在亂山中
禹穴在今龍瑞宮號陽明洞天

有崖石微裂處指為穴志文謂因開元龍見更今名龍瑞或謂細下別有禹穴為村民所填禹穴志即苗

山今在大禹廟朝林梅梁其來甚古元圭不知出於何時變石為葬禹時下棺之石廟貌乃漢魏間所造

然名曰帝大禹陵陵在最飲泉空石骨如此誤却東

遊太史公禹廟之側有大禹寺泉名非飲其來亦古然泉湫濁無足取

吳會元從二郡呼
今將吳會指姑蘇
孫賈朱欽諱傳皆在吳會二郡

字蓋以吳郡稽山當取舊經說州其山鎮曰會稽乃與會稽耳

與衛陽岱嶽並稱志謂在縣東南十二里禹穴難憑疑不止此舊謂四三百五十里者得之

道甲圖道甲開山圖禹治水得金簡玉書于吳越春秋引黃帝中經云禹得金簡玉書于唐元白

詩中皆信此說

千秋舊址益鴻禧
舊名千秋觀嘉定十三年賜名千秋鴻禧觀遠為士大夫奉祠之號

教額祠宮盛一時
遺蹟猶存賀公宅
舊有鑑湖一曲亭今增賜榮館

大抵懷豐碑新啟越王祠
前廊後廡皆刻

越臺雨壑壓層巖
下有蓬萊鎮越顏
柱笏正當秦望

嶺遠城總號會稽山
清風亭雲壑亭清曠軒越王臺鎮越堂等皆江帥新作蓬萊閣

乃至和開王工部遠所取元微之曾誦會稽居州宅
詩聯畫不如繞閣煙嵐新雨

後蒲山樓閣上燈初

會稽太守約重論
解后新安共一尊
新徵守表郎中甫過此赴郡同

時入城踏月歸來已丁夜
又乘朱舫出西門

同郡集

風順潮平日脚收錢塘江上遇中秋堂堂背月爭門
入要把平安報冕流舊例朝陵俱有期程性不遇九日歸即以名銜至閣門成見
約任千載逢大卿同王萬里萬楊仲博約汎

湖任賦二詩和其韻

蒲目親朋似故鄉夢邪非夢夢何長春風生上白雲
覆玉鑑光中明月瑤酒到湖山嫌遜避話逢氣類省
稱量謝家內集如斯否一味詩書無別香
翠舫青簾白玉舟風輕日淡相茲遊芙蓉覆地錦
衾爛楊柳雕空印篆繆月上酒痕渾未覺撩詩思
浩難酬頗憐此會何時又相伴江湖歸去休

西叔兄生日

從渠冷煖廣文君發越春和別有根樂意謝融兄及
弟慶流衮衮子生孫

只把農功作已憂不將歲事與天謀官修事舉文書
靜一室高眠粥似稠

上壽班齊日未外風廊霞幙立公卿親闈商略西南
彥爭說高家好弟兄十八日上壽札引班公卿以下待次于殿廡階簾間有稱高氏

兄弟之賢者

花底班行錦樣明中間寧少紫青人更無入誦成都
賦擬抗聲來問鈞

後殿侍立十一月五日追錄于此

禁城鼓鐸曉逢逢風滿衣裾靴蒲霜守得門開騎馬

入又同承旨步脩廊

須臾陞衛嚴成行禁蹕聲聲輦出房定中晴乾則上步出內門詔御

班就廊頭立定報入齊然後皇帝御殿詩謂趨出房其

實所見者靴笏趨陪西府拜却更然復立東顧班

承相前立參政對立承旨在後西秦事臣寮下玉塔

東府奏事訖承相以兼樞密使留身奏西府事參政

先退然後相樞再上奏事之退然後引其餘上殿官

奏舍人承旨殿東來旨同知閣陞殿東柱後立

聲門外無公事 皇帝還宮侍衛回

射殿引諸班出官人拽球子二首

畫簾黃幄幕前扉殿門內設皇帝降殿快陞渾如後殿儀只自

起居更履後却陪二府立多時

控矢張弓十作朋射餘回首列前榮須臾當殿聽宣

授首下尻高萬歲聲

通泉李君應卯以廷試卷漏結塗注自二甲

降末甲賦詩以送其歸

士為浮名若挂鉤夫君心事獨休休闕書不害為全

馬謖筆何妨作牴牾銅間計較陳說試進士

賜同進士出身說為詩日事內着蓑衣錦等風流許

容以進士及弟等充登科時人謂錦襖子孟上着蓑衣世間自有真輕重歸把功

夫向裏求

領客汎西湖客賦詩次韻

鳴鞘踏月大隄長鼓柁穿雲渡白黃十里青漪菱

六集卷一

草蕩四山紅雨杏花岡客從民氣覘春事人在枝頭看
豔陽長使舟平風色好世間何處有羊腸

真除後漫記所見

曉風鞭袖闖天關濫綴東西兩省班當日趨東奈
殿番休却逐侍臣還左右各當兩日侍立後殿則候
侍立前殿後殿則侍立處徑退

記注愆期已隔年且如今年春方修湮蟻夾案謾云
十五年秋冬記注湮蟻夾案謾云

然惟餘一事光千古後殿則朝聽直前

是將榜子關賓閣輦出房時已奏知陞對臣寮才
下殿朱衣然復上東墀上未御殿時先以榜子至閣門
云具姓名乞直前奏事閣門既

奏知訖直前官仍隨班如常日起居侍立只候宰
執巨察對畢徑至榻前奏事奏事畢回殿上立位

夏至日祀闕伯于闕元宮前三日省中齋宿

三首

書生只慣野人廬誰識潭潭省府居獨坐黃昏誰是

伴紫微閣上四厨書閣上有四厨書又無
拂拭多有齋欄

朱榮鉞砌扶都堂靜閣明窻夾主廊堂後主廊廊之
東西分四閣為

執政位此唯一堂二閣閣為左右丞相位當為會議
之所北過東為思堂諸府會話中書試童子在此

外省諸司西側畔樞寮却在東廂

朝罷歸來政事堂衣冠初半鷺成行須更排馬還私

第一片閒庭鎖夕陽

新繁縣未登九穗嘉禾用弟有詩索和

長官真是委邊蒐積累如山姓裏來認得兩閒無二

本只將一念貫三才異形所感猶如此同氣相孚亦
信哉陸續功夫寧有已相期更驗添雕開

講進侍立十二月二十一日

晨趨東朶侍天顏奏事班回帝輦還纔向內門需火

選諸璫又趣講進班

須更講殿報班齊拜罷東外一半西兩序公卿皆賜

坐史臣講讀右階階講之日率執亦與宰相賜黑

列兩行當日講讀官各一員及當日左右史一員自

草坐之右行至御案之右讀官先上讀太宗寶訓微

退講官次上講經亦以金御前親賜密雲龍講罷分行帝在中起揖坐管還再

拜侍臣趨出輦還宮

十二月二十七日宰執率百官請大行皇

帝謚于南郊曰寧宗紀事四首

騎至南郊晚色蒼蒼須臾陪拜徹成行兩班吉帶羅朱

紫惟有齋官服冕裳丞相當奏告奉常官三員行事

禮部指奉謚匣外除此七人

者衣袵服餘官並公裳吉帶禮屬羣趨上幸前兩郎奉冊侍臣宣壇前拜跪外煙

罷隨處羣王署奏篇

遇雨權將屋作壇昊天神主位中間吉凶異制今叅

用今古殊宜亦並班

却向慈雲嶺上還梅花合道日籠山馬蹄十里搖歸

夢疑在小園松竹間

和王太傅萬齋宮夢中絕句

晴輕風怒凍寒重日生煙漫道中和節天顏愀然

昨日講筵書罷上徹然謂讀講官日夜來雪作朕然夜為之不安當益恐懼修德云云

題洪崖安道人墳菴

當年過我兩安君白酒黃雞話夕曛
蒸杖看山頭拍背侵衣論事齒穿齧平生大面三間屋
安苑洪崖數尺墳身後更無錐可寄刃
著斷鴈泊孤雲

題蘇文忠與鄧安惠西山習和

春風吹綠上黃岡獨倚斜陽看武昌
城郭山川幾興廢祇留元祐姓名香

重校鶴山先生大全文集卷之拾

重校鶴山先生大全文集卷之十一

將入靖州界適值肩吾生日為詩以壽之

肩吾名地古誠州明白聯車入界頭
草草三杯酌初度恍如赤壁伴元脩

滔滔今古滿雙鬢納納乾坤歸兩眸
自有江山幾千載頗曾有此主賓不

道亨初不關窮達身健何須問去留
但願王明天地泰此生長共國同休

王常博寄示沌路七詩李肩吾用韻為壽

因次韻

誤隨煙艇武陵谿未見桃花路已迷雲掩九扉風露
冷又吹殘夢夕陽西

洞煙谿月晚來村白酒青魚旋俛豚納納乾坤元許
關何須頭上自安盆

前村風日熟新杭尚記來時帶雨耕大化驅人人未
喻等閒文字過平生

竹外蒲牢破曉鯨玉珂金鑰恍心驚斷章韓愈賒七
字臣罪當誅王聖明

兄弟親知各異方僕夫痛困馬羸黃惟吾臭味李夫
子不為無人不肯芳

溢浦猿哀杜宇嘯琵琶彈淚送人歸誰言蘇白名相

似試看風騷赤壁磯

來時聲聲漢三明謂余與有吾萬里浦雪江風爾許情今度

王郎隔湘水夢餘環珮玉瑤瑋瑋測庚切元一與瑋字不協

次韻樊武仲致政見貽

風引征衣墮舌誠手披榛棘上前京侍郎山下尋僊

李柱史亭前記老程益雨蠻風為外落洞雲谿月鴈

邊明驚心忽忽未全穩似聽於菟谷嘯聲侍郎山疑以灌口二

即誰為侍郎老程謂子山疏亭尚在

樊子詩來賀我遷朝黃風節敢去班長教下令流於

水豈願高名重若山霜過轉愁天宇淨夜寒空載月

明還須知不遇非余欲千載知言有辨菟

次韻譙仲甫致政聞南遷見寄

夢餘不省卧山城猶記封章入殿榮
蜚雨蠻風喚蘇醒譙南殘點一聲聲

羣蜚逐食傍人鳴
暝靄蒸山濃欲傾
世事滿頭歸未得
片心直向日邊明

次李肩吾送安恕父回長沙韻

寒雲蒼慘踏烏嘶
野水冥濛倦鷺飛
荏苒被紙窓長失
曉媿曾日日侍宸闈

冰力方剛風助威
經旬足不到門畿
可人安倩來相問
語極情生爵妻揮

忽忽郎馬度煙菲
又指夕陽春處歸
晚歲唯餘孀夫

子夜窸書紙教元暉

自出脩門已及幾
幾期也見毛詩左傳
家人應賦柳依依
苟無飢渴吾何戚
見說齊東未解圍

再用韻

規摹廣大理精微
天末行雲鑑裏飛
莫把空言看簡冊
更知實理在宮闈

曉看紅日上霜威
夜按蒼龍運九畿
獨抱孤衷竟誰識
前山陰斂又揚揮

才資如子世應稀
自喜寒門女有歸
我被詞華幾陷溺
相期努力踐朝暉

春風袂服駕離幾
四牡駢駢得所依
逢快意時須緩

響世間平地幾塵園

肩吾生日以三絕為壽

俗學場中蚤掉頭一窻書卷古人謀東西日月自明
耳皇恤人間有喘牛

窮檐小市百年州淺瀨平沙萬古流天運人謀鎮如
此晚醺時上驛南樓

宇靜晝牕長似歲心清夏簾冷於秋是間消息君知
得者盡區中浪白頭

送從子令憲西歸

弟兄親友劔南州別思如山浩不收家間稀疏人迹
絕眼明從子慰羈愁

茆檐竹几對床頭晨暮三商未渠休寧用停雲憶親
友是身安健復何憂

古來明戒有弦鈎伯父胡為苦好脩累爾南行數千
里我之自取爾何尤

自爾南來歲再周新功培養氣揚休且留數月須多
益歸妹愆期母所憂今憲將歸聘妹

古人為學戒悠悠詭命惟從務敏求識此味時那可
已更從來處驗吾脩嚴修乃來來字有原源不巳之意

弘毅規摹本末周既難分付又難酬須知陋巷憂中
樂又識耕莘樂處憂顯道以敏名齊以弘毅名堂故云

題南叔兄藏脩閣息遊觀

南叔兄屬書藏脩閣息遊觀堂喜鄭君學記
注藏謂懷抱之修習也息謂作勞休止於之息
遊謂閒暇無事於之遊此義極精申為五十六

字以千指教

中存外習即藏脩夙寤晨興此息遊要把孟軻三勿
看更將夫子四於求顏淵陋巷樂何事曾皙風雲詠
不休此意斯須不容離敢申鄭義破悠悠

次韻黃判官喜雪

天馬流行澤上坤玉龍飛灑水邊村扶持農扈培邦
本排盪陰機立歲元遍地詩材供墨客通霄酒令屬
侯門卻憐赤子無衣褐仰面蒼蒼嘆少思一作陽和
麥開新

歲寒色留
梅作上元

肩吾生日三絕句

尚記聯車入界頭廉安門外麥三秋江山氣度依前
偉簡冊功夫匪昔侔

世厨蕭劉周典盡經由孫沈古音休更嗟書法開元
壞不易肩吾字字求

昔人年德位俱優淇奧賔筵苦自脩學至百年益有
厭勉哉三十六春秋

次肩吾慶生日韻戊子

謾閱人間五十年年來道遠思悠然一心可使乾坤
位五性元鍾父母全為已工夫渾閒斷滿頭歲月浪

推遷更無益友相扶植平地羊腸小白顛

山中兀兀不知年但數前山莫火然人笑腰無金可
佩我忻脛與玉俱全聖賢面目畫三接簡冊期程日
九遷此事知心君有幾不妨相伴各童顛

題陳膏仲直希元詩卷贈蕭道士蕭善為詩

亦解鼓琴

手撒飛鳶上五溪兩牛腰大送行詩猶嫌言語無多
子古錦奚囊長自隨

吾廬兀研半生塵朋友相邀問係鄰放進羣吟渾易
事鄰家老子是何人

是間正位至虛靈都把精神逐外明勸子抱琴歸舊

隱亂雲深處認真情

肩吾生日

誰遣青龍日夜流記經星紀已降婁邊城恰匝三寒
暑初度照翩四倡酬

力探上下三千載行半東西二百州有許豪雄都忘
卻松窻燕几靜中求

餘晦越鄉別臨臨真郭君出竟送荆州放麈心事人誇
說得似如今衆歲留

次肩吾慶生日韻已丑

男兒生世果何事卜士詩之問史書內美元非私正
則天鼻豈但存骨餘箕子名滔滔大化亘千古職職

羣生同一初此事年來才信得從前浪走只成疏
我交憂時髮滿梳殷勤勉我用詩書情知分義如何
廢可使才能自有餘氣血漸衰多病後創夷轉甚數
年初夢魂慣識歸來趣長傍山椒擷稻蔬

次韻丁大監見懷

行藏去就各隨時敬恐嫌疏忽奮飛正怕霜嚴去字
淨敢誇舟載月明歸生松有夢還公固化鶴何心駐
今威獨抱遺編看千古昔人歷歷未應非

見慣不驚如四時流光任逐驪蓬飛日從南去老龍
蟄火向西流玄鳥歸荷子感時堂蟋蟀移書房我室
伊威益嗟往日無良友四十八年成一非

予去國時
年四十八

次韻九華葉真見思鶴山書院詩

天空地迥託吾廬何處山川不裕如太極光陰寧有
閒環中事葉本無書道真誰謂大人否夷陋不妨君
子居昨夢九芙蓉裏去起聞聲足到空虛

和虞退夫韻七夕前一日

醪酒成懽似旅醺偶然解后得英游卻因樂極生良
感今夜蟾光照幾州

牛女河邊兩夾持前瞻其斗後虛危經星不動元如
此自是人閒空好奇

假拙濟姦真是拙認姦作巧巧何曾須知我自靈於
物一點光明萬古鑑

子益教授再用韻賦亦有審機從諫之誨某
復和呈

從衡膈膊競相齟伺擊羸行縵復游或把疑兵勝淝
水或乘猛勢失荊州

古人用眾水如持不為常安不慮危違諫伏波終自
困捍羌充國本無奇

才分雖殊學可能譬如秦華岳曾曾居高視廣逾
遠下眎羣峰如豆遊軍見八陣圖鑑字
見祭統謂豆下附也

某曩在遂寧嘗賦木犀云茂樹幽花兀老蒼
不隨眾卉入詞場此花見於詩
纔百餘年虎頭點點

開金粟

顧庶頭善畫
金粟如來

犀首鬘鬘佩印章孫

衍佩五
國印

明月上時疑白傳清風度處看黃
香人才生世元如此不為無人不肯芳今

十數年矣偶憶前作未免兒戲用韻再賦
呈諸友

洞煙谿月楚山碧萬木辭林稼滌場老桂挾秋清入
骨明河倚樹爛成章城隅靜女閒逾羨澤畔纍臣晚
更香若數秋花饒此品未容陶菊逞孤芳

某偶為木犀有賦遂蒙別駕諸丈光和盈軸

因惟晉以後名科第白折桂兩無相關至
近世則又以木犀之別種有巖桂之名其實
非桂也遂併為一物輒為二木訟免呈諸

文一笑

澹雲明露立蒼蒼不識從來聲利場晉士習浮輕輿
逾唐人承誤轉周章高談天上兔蟾影卑擬人間龍
麝香星桂自殊苦相累都將榮進溷真芳

次韻中秋風雨中約客葉元老有詩

長雨頑雲颯颯山峽向渾本露天慳魚鱗未兆心如
醉鴻鴈關情躡欲斑月體晦明猶偶爾酒腸舒慘亦
渾閒只將愚慮酬佳贈未必騷情不破顏

虞退夫生日八月二十三日

尚記扁舟下古渝蘭芽秀茁媚庭除跣鳥聲裏驚
重見玉粹揚休偉丈夫

雍公匹馬立乾坤善念熏蒸到子孫富貴君家餘事
耳更將此念植仍昆

用真景元韻題豫章朱正公湖山清隱詩卷

乾坤爾闊着吾廬水繞山環仁知居君友東湖徐孺
子我聞西洛邵堯夫欲為天下屠龍手肯讀人間非
聖書聊借斯言相贈勉樂顏之樂即顏徒

次韻虞退夫除夕七絕句

太極光陰不計年聖賢千古此周旋九夷自陋吾何
與長在回瓢點瑟邊

從渠滿腹貯千季遮莫揮毫動百篇入到聖門無一
事東西日月自行天

將軍元自敬延季明主何曾棄浩然自分康時了無
策故山多少未芸田

已是秋陰誤有季泰交候變震乘乾向香夜夜驚春
夢推出新悲上鬢邊

長嘆熙豐祐聖季偏輕漏重幾番舡誰能裝載言句
了多著男兒盡力牽

又嘆崇寧宣政季無端亡虜誤開邊誰能為我懲前
轍早挈江山入舜甄亡虜謂趙良嗣輩

虞清思親感歲季歸心巫峽暮雲前飛逢遊止那能
料靜倚閒雲看大川

用張子益教授韻送虞退夫西歸

子已江頭戒權郎印須何事未乘方須看此意關時
數不為斯人自肺腸白傅徒然泣商婦毛生豈解出
王檣檣字據漢紀從木印雖不敏真知得為子臨岐醕一觴

嘗為趙太社著作章泉二字及匹爺寫詩二

十一首趙一再有詩因次韻

易象於坤必有章泉翁此義發天光離趨外卦文加
質乾伏中文網覆裳欲驗吾心觀習坎誠知是理識
歸藏公詩謝我祇成辱設復從公質寸長
幾度詩來做謬悠懷人應念水三州寧晞太白懷金
馬忍効靈均駟玉蚪上帝汝臨毋敢貳中心如噫本
何求狂言又被公挑撥知我惟公不我郵

題趙昌父太社寄桃源何道士

八十六季彊健客求余判斷二蘇詩季來點檢室中
事問着鄰家揔不知


題羅季能愚六友堂

羅氏堂中六友圖要求帚尾數行書若於此味真知
得着甚言詞乞與渠

次韻靖州貢士鹿鳴宴二首

何處何時不產賢黔中故地夜郎天雖云地脈元無
聞欲破天荒未有先萬蟻場中春鎖棘九賓庭下曉
鳴鞭便將正學昭羣賸留取魁名萬口傳
豈但詩書對聖賢須知屋漏與神天設科雖較詞章

宋本原闕



鳴春殿將愚見酬佳贈願子深思勿語人

次韻王常博題贈江陵樂德佐

樂之先中安仁延貢人

儻餘甘遠身分表得生還夜雨滴歸夢曉霜彫醉顏
角巾吾故里璞王子荆山又作無期別扁舟上峽關
三十有三載好風吹又來清堅霜後竹冷澹雪邊梅
世事憂千緒家山腸九回江頭一樽酒煙雨暗章臺

題峽州三游洞

洞前日日客維舟短詠長吟汗馬牛名迹都隨形氣
盡惟餘元白幾人留

可惟忠州與號州偶因起廢得茲游蘇歐諸老亦何
德千古聯芳未肯休

和虞退夫見貽生日詩韻

夫容布葉亂田田尚憶前季對二賢併謂成父今度觀亭
人獨立一江風月意誰傳

路人笑我此何觀風颭渠江萬頃寒歷歷聖賢心事
在從渠把作畫圖看

九十九峯江上山乾坤爾閱我中間此心頗著秋豪
愧久矣顏衰鬢髮斑

虎豹當關路險艱家入占鵲望亭還四方蹙蹙還何
許家在西南山外山

范蔣諸賢交義申自吾見說倍精神年來人物寥寥
甚更憶浦城人姓真范義父蔣成父甘始終相從李肩吾自蜀再至江陵

和蔣成甫見貽生日韻

牕外浮雲捲帝青腰間流水卧青萍劍發揮孔孟真

三代補葺贏劉破六經理義本心如皦日詞章末伎

謾流螢獨嗟弱步躑長阪百歲期程過五亭亭字見四錄既

鈞注苦作十里一長亭亦通

尚記春風酒滿衣數旬客館掩空扉雙鳥念哺歸難

忍斷雁辭行凝不飛正念縣弧成底事有來連錦爛

生輝亟敬七字酬佳贈歸權瀟湘水正肥雙鳥併指退夫時成

父將歸肥中

次韻知常德袁尊固監丞送別四詩八月十日

試把行藏為子評只知盡分敢微名出如有益殷三

聘用不能行魯兩生此道古人如飲食後來竈婢或
猜驚子亦亦號知書者猶把商山作采榮

孔訓元無實對名史言爲已與求人能知管仲不爲
諒便識殷賢都是仁義利兩途消處長古今一理屈
中伸自從聖學更憂後千百年誰信得真

別來歲月爾滔滔流落天涯忽此遭萬木辭榮秋意
澹百川歸壑岸容高笑看海上兩螭角閒禿山中千
兔毫若向顏曾得消息直須奴僕命離騷

夕陽春處是吾家水繞山環路轉餘處處四方潭未
定茫茫大化渺無涯歸來已恨十年晚老去空嗟兩
鬢華各願及時崇令德萬鐘於我本何加 卷終

重校鶴山大全文集卷之十一

律詩

用將成甫韻賀虞退夫生子且以相名之

秦雍孫曾尚典刑只將一念合天明震雷敷地勾萌
達解雨鳴春澗谷聲階玉正看聯鵠未窺金安足擬
賢成相門爲我成宅相我欲將兒以相名

虞退夫生日

人情處約父斯渝子把膏腴氣習除肯向縑緗迂事
葉要尋屋漏實工夫

初度重逢巽上坤庭闈應念子生孫好將吉語傳金
母更把歸音報玉昆

十一月九日新灘李示余開禧三年四月

九日所跋外舅楊憲使灘字韻詩為次韻

憶從筮仕歲流灘字庚申歲三十餘年閱暑寒撫事無

成人潦倒懷人有夢涕汎瀾家山擾擾膠膠裏時蜀

未廟社譔譔出出間臨安大焚欲上青天愁險絕誰能

為我斬樓蘭

建士施寔言自鼓以詩相迂

三峽雲連白帝城風波九死得餘生虎頭狼尾亂流

濟猶面馬肝綠壁行中衍何妨需在險心高但見坎

常平况逢詩友慙勤問寧復窮途哭步兵

過虎頭狼尾灘避險出陸至譚晉仲故居有

謝公昌國劉公德脩薛公仲章詩用謝韻有賦

尚記翩然下帝傍七年纔入屈公鄉山街西日去家

近風通北氣吹袂涼新事感傷心力短舊交零落話

頭長况堪劉薛吾師交黃壤堂堂閱夜光

紛紛操畧入山林我自終朝不獲禽遠物只知肥遯

利窮幽不問浚恒深畢通啼日滿荒戎市西南荒壘

壘或云陳後欵段行雲供醉吟宇宙窮空歲運暮平

沙獨立數寒金

書所見聞示諸友萬州岸

行到青天最上頭蜀人爭看錦衣遊誰知一夜北風

惡吹起家山萬斛愁

聞說奔軍闖閩州餘州民潰去如流親曾見虎誠堪
怖只爲狐驚亦可羞

一從輕棄五邊州所恃藩籬僅在休又謂此休無足
恃併捐洋漢守金牛

金繒唱虜色無謀况恃空言廢內修師卦在中惟九
二曾聞帷幄授成籌

死城陷陣已長休捍虜鳩民亦漫憂一作亦未局外閒
人倚江立全軀保室信良謀

次韻虞退夫除夕七絕句

蜀人誰不望西還何事天公獨我慳兩度來逢單
歲腥風血雨滿人間

誰驅斗柄向東遷漸喜新年勝故年歲緯移躔東井
外狼星斂角左參邊

是酒滔者竟誰歸有酒盈卮不暇揮待挽長江洗兵
馬盡還杆木舊晶暉

雲外銜山日半環傳盃共惜片雲懽莫疑來日是來
歲萬古光陰只麼看

幾度將心安處安有時中夜起長嘆年來識得安心
法否泰元從隨蠱看

人道渠陽兩嶮難嶮難在彼我何關却從楚澤寬平
後取盡從前鏡裏顏

明朝同上四賢山岷嶺若要與羣英盡日還認取

幽深堂上意春風
曳曳鳥關關

用樊武仲致政韻
餞黃立部

七載資身入楚鄉
誰將平坂換羊腸
尊來親友渾依舊
胸處江山不改香
正引德星成勝集
更忻郎宿下垂光
人生行止時為大
膜外浮榮蟻穴王

次韻荆門張守寺簿

元簡

見寄詩韻張守

以制司調民築城申朝廷
制司繳納告勅
不願仕

不把離憂寄楚辭
絕唱致邑請臧為日纔
北回夏長
至火未西流
秋變衰消息一機
川水逝詘信二氣
蟄
蟲知夫君識慮超
餘子我亦年來管
豹窺

書來寄我賦歸辭
諒子知其不可為
饑饉牛羊芻牧
隘
磬磬鴻鴈稻梁
衰有飢有溺已
飢溺後覺後知
誰
覺知細說海州三
奏
藁前賢風味儼
重窺

張巨源至海州以發

運司調民凡三上奏執不遣

六月十四次韻樊武仲喜雨

誰信憂憂解感神
嬰赤子母心熏為將
一滴翻瓢
水散作千家
舉重雲天化無端
長寂寂眾形有欲自
芸芸更須盡挽天河
水亟與三邊洗惡氛

送楊子有赴叙倅用高柴州韻

俗事繁人阻
四并東郊又送屏
星行欲安邊圉
元無策善服人心
只有清使馬如羊
非我愛帶牛佩犢
豈

其情非惟此意行夷狄讓舌雖工亦絕聲

長女生日

十月晦明
日冬至

相逢猶記度瀟湘旋理袿纓旋理裝塔見舅姑纔識
面明朝馬首上渠陽

蜚煙蠻雨鎖窮荒寇焰兵氛返故鄉誰信夢回人似
舊青衫絲服儼成行

兩地耶娘正健強門楣況是得安郎七年重會非容
易且為新陽釀一觴

送李蒲江歸簡池用高柴州韻

尚記春風黃栗留明年春又到鉤輈會疏長作去時
恨年大能禁生別愁言偃得人行不徑繆公受責俾

如流願將二語為君贈更願開誠學武侯

北郊勞農歸路五十六言

方春不及與劬農十月郊行勞歲功因記旱雲占曠
烏慮濫音藹更愁霖雨望瞳矐田苗粒粒祈穰裏民命
絲絲嘆恨中憂國願豐雖我志更須人事與天通

安總領生日

猶記僊翁護玉關版圖半壁手提還每驚蕩瀟風波
後多謝經綸父子問元是爛柯觀已熟故應當苟我
如聞幾人錢穀鞭中老僕曠何曾點一斑

祝公不作語秋陛下憑公釋顧憂往誤叵堪成鐵
錯後圖猶可保金甌飲江共喜無胡馬屯滑懸知有

木牛虎也虜公康是似願歌江漢美宗周

楊尚書生日

幾許中和釀此身秋風江上玉精神性姿無忤水行
地富貴有綠花得春閒麴消搖欣佚老會朝魁艾正
須人絕知雲滄龍淵濕莫倚晴江把釣緜

三邊頭綸正相尋雲氣糝糊尚積陰已喜龍荒通漢
使更須帝夢起商霖功名本自於人薄家國相關此
念深共指岷峨祝公壽躋華未聽曉霜侵

李制置生日

玉堂人住玉堂山公論推排授將壇胡壘令嚴精采
異甘泉烽息顧憂寬北邊舊嘆無願牧西賊今聞有

范韓夏屋不知幾崇廣喚回春燕下林端

披荆重立小朝廷風逆南薰入扇巾大勢已馮天祚
宋中興更賴穢生申扶持命脉還吾蜀消息精神運
此身人願武公歸入相我祈河內且留恂

魏茶馬生日

南渡波流蕩滴中紹興御史最清忠和戎二字排時
論用世諸孫尚祖風彈壓破江羣嘯靜指麾邊市虜
資空盛心未必榮三錫且喜朝廷荅有功

浪誇京洛漸塵清局面今翻第幾秤須倚玉龍擎重
任暫依金馬作長城時人共記維寅度陽晝元從建
亥生試向後天推八八吾宗卜數萬為盈

遂寧家知府生日

玉堂元不闕英靈地主還從此地生千里樓高人獨立九宗山時月雙清洋洋水難臨民意獵獵霜林戰葉聲如許高情誰與擬王梅枝外看參橫相去無多五日間兩家牛酒賀生賢二陽引類臨文長三壽為朋恭茹運析木旁瞻星兩兩大椿遙祝歲千千相期協力身屯難未聽絲絲鬢髮宣

潼川路施運判生日

家聲燦燁自乾溥王謝門中着此身金碧池邊金碧使玉山臺上玉山人都將奕葉芝蘭味散作羣州桃李春應記西陵分首後枯棋一局幾回新

湖吹饗寒疑不禁地雷應合戰羣陰悠悠未使功名手渺渺誰規造物心三壽作朋剛已復二陽初動卦為臨經綸及此身強健補領青絲雪未侵

瀘貢士二十人端平元季手書增郡國貢士

真瀘增一人是歲貢于東西路轉運司者各

二人以五月庚戌合寮更宴于郡之正牙歌

鹿鳴以遣之

皎日中天萬國明恢恢賢路慶端平月正元日下書詔二十六人登姓名西澤射陳貔首節東廉歌奏鹿鳴聲謬侯何幸身為駕要示周行玉女成天地中間着此身合將位育入經綸陰陽固自生成

我爵祿安能富貴人利欲當權心退舍
誠淫得路俗迷津諸君自此騰驤去
願以先知覺此民

送李季允赴召

擁馬權呼夾道迎詔書洛社起耆英
史選載筆聯公羽季政路題名接弟兄
新政期公皆一律故交惟我得忘情
正邦須自明倫始要仗公開萬世程
一傾鼎否一番新但見新人笑故人
元祐至今迭更化崇寧以後幾權臣
曾趨嘉定政元詔又賀端平第一
春長把人才留一半今年新是去年陳
是是非非各有心以同為愛異為憎
善惡秦穆旋修怨在莒齊威卒震殄
事急求言常易入位高從諫最

難能願公一破從前陋萬里無雲皎日外

李尚書被召過灑臨發之日官吏以行香日

分道送不及明日尚書自合江詰後期次韻

以謝

黃雞嗑啞田前催擬效張侯夜半來殘夢方隨僧梵
去拏音已聽客帆開望極空留恨陛下憂深
正急才已賦明倫相贈勉更思桃李及時栽

題外舅提刑楊大夫墓

追思初攝大夫車得助堂前見舅姑三十二年歸夢
枕一生一死隔黃墟時危刺着人間我境換送憐向
者吾伯也叔兮今已矣誓借仲季勉終圖

嘉泰二年題資州醮壇山星斗閣至是同王
資州其然賈天安子是揚季持成子諸公登
山用前韻

三十三年去復還苟將重踏舊江山青衫朋友子當
戶綠情奚臧霜半鬢贏得光陰歸鬢裏悔將聲譽
落人間聖門事業無窮已只問君王覓退閒
天磨團團任往還莫將止處認兼山水歸寒谷斂秋
練木落前峯明曉驟天度已歸參井後日行又值斗
箕間若知此處真消息血氣浮名總是閒

制置丁少卿生日

皜皜陵霄獨鶴飛九芙蓉裏爛生輝青陽少府舊弓

治

少卿之父武德沛人始爲青陽縣尉

白石先生新杼機

少卿嘗從白石先生錢文

學

閱盡世紛磨不磷聽渠公論是邪非恭惟

陛下方親政小卻猶應伴紫微

蜀道今行第幾回天西玉帳又宏開鶴歸華表人如
舊龜放長河獨再來屈處觀伸霜後菊消中見息雪
前梅蘆花不解西流去引領長空酌斗魁

次韻丁制置遠迎三絕

錦里論文三十年浮筠大玉透中邊投荒已作無期
別夢覺依然墮我前

喬松挺挺百年期霜雪無端頭繫之一點陽和消不
斷春風又長歲寒枝

谿瘴蠻煙隔市朝十年山徑長蒿茅好風吹送知時
雨生意洋洋大國郊

寄題李季衡東樓

前年呼舫下玻璃突兀新樓闖目圍鴈影已隨流水
去鶴歸空感昔人非曩遊歷歷夢中以往事茫茫知
者稀幸有季衡風味尚何當倚檻語朝暉

鴈謂鴈湖
鶴謂鶴山

題王巴州震傳經樓

牯皮充厨書滿家到無言處奈書何六經文字未曾
有三代聖賢如許多直自語言空布滿却嗟人物轉
消磨有來訂古談經者試把斯言爲切磋

恭和 聞喜宴御製

祖宗德澤被生民列服山川各效神幾見高岡鳴鳳
集又看層浪化魚新外歌幸聽三章雅佩印行紆五
兩綸聖世賓賢如此厚致君忍負不貲身

題余氏聚遠樓

若向天機識得親是間看不盡青春須知聚遠惟方
寸說與樓前望眼人

將作監栽竹徐真翁清叟俾子書植賢亭三

大字以詩見貽

烈日嚴霜恣挾持孤標嶺嶺肯隨時笑看世上閒桃
李一夕狂風失令姿

氣端解使四時青萬物彫零獨典刑嚴子高風扶漢

鼎包胥勁節撼秦庭

客夢時時遠故山夢餘若見玉孱顏徐公本自無通

介自是時人醉眼斑斑班二字通蓋斑以開

夜直玉堂

金鑿坡上疏開邊夢也非與二十年世事煙埃緣手

盡正邪二字在遺編開禧元年正月子召試館職于

氏

金羈玉勒錦籠韉重上鑿坡鬢欲宣自喜晨趨無愧

色更忻夜直得安眠

四月癸巳發潯陽館過濂谿餅于杏谿愒清

虛庵宿太平宮

旌旗陰裏盛傳呼春夢纔醒一事無草草山肴話朋
友依然白鶴故時吾

多少濂谿生並時兩程夫子詠而歸須知宇宙何曾

隱魚自川游鳥自飛

欲識真人千古心療飢獨有杏成林豈無世上間桃

李要使人從實行尋

步自清虛過上宮千言萬論物談空擬將一語隨人

後嘗與心謀不肯同

又過前谿訪梵宮人言此與老莊同是同是異誰知

得擬問山前無極翁

丙申攜客自康王觀東北行十里觀空簾泉

正喜昔聞今見之泉稱第一更何疑此心好樂先為

主但見忠謀皆我欺又欲一到谷籬問之於人無以無足觀見此開者皆不信既而

所見果不速所聞

筍將軋軋度巖隈亂澗穿空去復回方識人間真毀譽只緣親到地頭來

題歸宗寺

憤憤深源與會稽識時惟有一義之千年誤作能書

看謾說鵝池與墨池

青玉峽

一泓泉聲萬古懸觀瀾歎逝意悠然須知大化無窮已莫賦銀河落九天


萬杉寺

萬杉深處着僧廬中有昭陵飛帛書想象承平心似

醉小亭好立看跳珠

三破橋

英雲皓雨瀉明燭題作人間第六泉擬把谷簾從點降却將此水為超遷



重校鶴山先生大全文集卷之十二

